

143  
REVERENDISSIMO  
IN CHRISTO PATRI AC PRINCIPI

Domino, Domino Friderico Herbipolensis Ecclesie Episcopo  
electo, ac Francie orientalis Duci, Domino suo clementissimo,  
Carmen hoc gratulatorium M. Valentinus  
Helispethus humilimus Diaconus scripsit.



Hic te faue coeptis æterni patris Imago,  
Nam per te uires stantq; caduntq; meæ.  
Ut texam dignas Reuerendo Principe laudes,  
Cui semper curæ est relligionis opus.  
Huic tulit Herbipolis nuper Diadema sacratum  
Ante alios uni, & scepra gerenda dedit.  
Ut regat imperium, populis & dicet honestas  
Leges, in uera cognitione Dei.  
Elegit certè multis è millibus unum,  
Qui tali officio præficiendus erat.  
Exitit is clarus uirtute & stemmate aurorum,  
A quibus antiquæ nomina stirpis habet.  
Hic multos hominum mores, linguasq; disertas  
Nouit, & historias claraq; facta Ducum.  
Dicitur antiquæ uerus pietatis amator,  
Ac magni faciens dogmata sancta Patrum.  
In primis autem semper curauit egenos,  
Exhibuit largas, pauperibusq; manus.  
Sæpius in fontum casus miseratus acerbos,  
Sponte sua miseris commoda multa tulit.  
O nimium foelix, ô terq; quaterq; beata  
Patria, sub tali principe regna uidens.  
Gratulor ergo nouos tibi Dux Amplissime honores,  
A VViris pergorum stemmate nomen habens.  
Omnes te colimus Dominum ueneramur & omnes,  
Qui sumus imperio subdita turba tuo.  
Perge diu foelix, pietas quo ducit & ardor  
Virtutis, tribuet præmia digna Deus.  
Maiores imitare tuos, & fortia facta  
Qui patriæ semper consulere suæ.  
Artibus ingenuis uigeat Respublica perge  
Clarius ut Christi nomen ubiq; sonet.  
Sic procedet opus faustum populisq; tibiq;  
Et facies summo uota fidemq; Deo.  
Qui cum principibus iustis super æthera tollet  
Nomen, & imperij læta trophæa dabit.  
Quod superest petimus nos supplice uoce, clientes  
Defendas, fautor noster & esse uelis.  
Nam procul ah pietas, studium uirtutis ubiq;  
Exulat, ac plures dira tyrannis habet.  
Confirmet Deus hoc per chari uiscera gnati,  
Quod propter templum cepit aduscq; suum.  
Det quoq; foelicis longissima tempora uitæ  
Viuerè, Francigenum Dux Reuerende Vale.

